

Sheria Ndodo za (Ushuru wa Madini ya Ujenzi) za Halmashauri ya Wilaya ya Babati

TANGAZO LA SERIKALI NA. 336 la tarehe 17/10/2003

SHERIA YA FEDHA ZA SERIKALI ZA MITAA, 1982

(NA. 9 YA 1982)

SHERIA NDOGO

Zimetungwa chini ya kifungu 7(e), (k) na 13

SHERIA NDOGO ZA (USHURU WA MADINI YA UJENZI) ZA HALMASHAURI YA WILAYA YA BABATI, 2003

1. Sheria Ndodo hizi zitajulikana kama Sheria Ndodo za (Ushuru wa Madini ya Ujenzi) za Halmashauri ya Wilaya ya Babati, 2003 na zitaanza kutumika baada ya kutangazwa kwenye Gazeti la Serikali.

Ufasanuzi

2. Katika Sheria Ndodo hizi:-

“Halmashauri” maana yake ni Halmashauri ya Wilaya ya Babati.

“Madini ya Ujenzi” ni pamoja na mchanga, mawe, kokoto na changarawe.

Kulazi-mika
Kuandika
Gari/Trekta

3. Mtu yejote mwenye gari/trekta linalosomba mchanga, mawe, kokoto na changarawe kutoka kwenye eneo lolote lililopo ndani ya Mamlaka ya halmashauri ya Wilaya ya Babati atalazimika kuandikisha lori/trekta hilo kwenye ofisi ya Mkurugenzi Mtendaji kwa kujaza Fomu iliyopo kwenye jedwali “A” la Sheria Ndodo hizi ambapo atalipia ada ya shilingi elfu kumi tu kwa kila gari/trekta kwa mwaka.

Matumizi

4. Mtu yejote atakayechukua mchanga, mawe, kokoto au changarawe kutoka kwenye eneo lolote lililopo ndani ya mamlaka ya Halmashauri ya Wilaya ya Babati kwa kutumia gari au trekta atalipa ushuru kwa kiwango kilichopo kwenye Jedwali “B” la Sheria Ndodo hizi.

Adhabu

5. Mtu atakayekiuka au kwenda kinyume na Sheria Ndodo hizi atakuwa ametenda kosa na akipatikana na hatia atalipa faini isiyozidi shilingi 50,000/= au kifungo kisichozidi miezi mitatu au vyote viwili, pamoja na kulipa ushuru anaodaiwa.

*Sheria Ndogo za (Ushuru wa Madini ya Ujenzi) za Halmashauri ya Wilaya
ya Babati*

Tangazo la Serikali Na. 336 (linaendelea)

6. Sheria Ndogo za Halmashauri ya Wilaya ya Babati (Ada na Ushuru) za 1993 zimefutwa.

Tangazo la
Serikali
Na. 275 ya
24.2.93

JEDWALI "A"

**FOMU YA KUANDIKISHA MAGARI/TREKTA LA KUSOMBA MCHANGA
KWENYE MAENEKO YA WILAYA YA BABATI**

Jina:
Anuani:

Kumb. Na..... Tarehe:

Mkurugenzi Mtendaji,
Halmashauri ya Wilaya,
S.L.P. 400,
BABATI - MANYARA.

OMBI LA KUANDIKISHA GARI/TREKTA LA KUSOMBA MCHANGA

Kutokana na kifungu cha 3 cha Sheria Ndogo za ushuru wa Madini ya Ujenzi za Halmashauri ya Wilaya ya Babati, ninaleta maombi ya kuandikisha Magari/Gari/Trekta yaliyoordheshwa hapa chini ili yaruhusiwe kusomba mchanga, mawe, kokoto au changarawe ndani ya eneo lililo kwenye mamlaka ya Halmashauri ya Wilaya ya Babati.

Aina ya Magari/Gari/Trekta

Namba ya kuandikishwa

Uzito (Tani)

Ada ya kuandikisha imelipwa shilingi

Namba ya Stakabadhi..... ya tarehe.....

Sahihi ya Mpokeaji

(Mhuri)

Sheria Ndodo za Halmashauri ya Wilaya ya Babati (Ulezima wa Kujiunga na Shule na Mahudhurio ya Lazima ya Shule za Msingi

Tangazo la Serikali Na. 336 (linaendelea)

JEDWALI "B"

Uzito wa Gari/Trekta

Tani (moja) 1 - 6
Tani 7 - 10
Tani 11 na kuendelea

Kiwango cha Ushuru

Shilingi 5,000/= kwa mwezi
Shilingi 7,500/= kwa mwezi
Shilingi 10,000/= kwa mwezi

Nembo ya Halmashauri ya Wilaya ya Babati ilibandikwa kwenye Sheria Ndodo hizi kufuatana na Azimio lilopitishwa kwenye mukutano wa Halmashauri uliofanyika tarehe 21 Juni, 2003 na kuthibitishwa mbele ya:-

L.S.

NICODEMUS TARMO,
Mwenyekiti
Halmashauri ya Wilaya, Babati

RAPHAEL B. MBUNDA,
Mkurugenzi Mtendaji,
Halmashauri ya Wilaya, Babati

NAKUBALI

Dodoma,
23 Agosti, 2003

MHE. BRIG. JEN. (MST.) H. A. H. NGWILIZI,
Waziri wa Nchi, Ofisi ya Rais
Tawala za Mikoa na Serikali za Mitaa

TANGAZO LA SERIKALI NA. 337 la tarehe 17/10/2003

SHERIA YA SERIKALI ZA MITAA (MAMLAKA ZA WILAYA),
1982

(NA. 7 YA 1982)

SHERIA NDOGO

Zimetungwa chini ya kifungu Na. 148(1)(a)

SHERIA NDOGO ZA HALMASHAURI YA WILAYA YA BABATI (ULAZIMA WA KUJIUNGA NA SHULE NA MAHUDHURIO YA LAZIMA YA SHULE ZA MSINGI), 2003

Jina na
tarehe ya
kuanza
kutumika

1. Sheria Ndodo hizi zitiwe Sheria Ndodo za Halmashauri ya Wilaya ya Babati (Ulezima wa Kujiunga na Shule na Mahudhurio ya Lazima ya Shule za Msingi) za mwaka 2003 na zitaanza kutumika mara baada ya kutangazwa katika Gazeti la Serikali.

Sheria Ndogo za Halmashauri ya Wilaya ya Babati (Ulazima wa Kujiunga na Shule na Mahudhurio ya Lazima ya Shule za Msingi)

Tangazo la Serikali Na: 337 (linaendelea)

Tafsiri

2. Chini ya Sheria Ndogo hizi:-

“Halmashauri” maana yake ni Halmashauri ya Wilaya ya Babati;
“Shule” maana yake ni Shule za msingi zilizomo katika eneo la Mamlaka ya Halmashauri;
“Mzazi” maana yake ni baba au mama wa mtoto aliyeandikishwa shule na itajumuisha mlezi ye yeyote mwenye dhamana ya kumlea na kumtunza mtoto aliyeandikishwa shule;
“Mwanafunzi” maana yake ni mtoto aliyeandikishwa shule na itajumuisha mtoto ye yeyote ambaye hajamaliza Elimu ya msingi na pia itajumuisha mtoto ye yeyote aliyefikisha umri wa kuandikishwa shule;
“Serikali ya Kijiji” maana yake ni Halmashauri ya kijiji ambacho shule hiyo ya msingi inahusika;
“Umri wa Kwenda Shule” maana yake ni umri unaofikia miaka saba tangu kuzaliwa kwa mtoto anayehusika.

3. Kwa mujibu wa Sheria Ndogo hizi kila Mzazi na Mlezi atahakikisha kuwa mtoto wake mwenye umri wa kwenda shule anaandikishwa na anahudhuria masomo ya shule hiyo mpaka amalizapo masomo ya Elimu ya msingi.

Wajibu wa mzazi wa kumwandalikisha Mtoto shule

4. Kwa mujibu wa Sheria hizi zitakuwa ni kosa kwa serikali ye yeyote ya kijiji kushindwa, kutojali, au kukataa kusimamia uendeshaji wa shule iliyopo ndani ya eneo la mamlaka yake.

Makosa dhidi ya Serikali ya kijiji

5. Kwa mujibu wa sheria hizi, Mzazi au mtu ye yeyote atakuwa ametenda kosa iwapo:-

Makosa dhidi ya Mzazi au Mlezi

(a) Atashindwa kwa kutojali au kukataa kumpeleka shule mtoto aliyetimiza umri wa kwenda shule.

(b) Mtoto akishaanza shule, kumkataza kuendelea kuhudhuria masomo ya kila siku, au kufanya kitendo ambacho kinaathiri uwezekano wa mtoto huyo kutohudhuria kila siku kama vile:-

(i) Kutokumlipia michango iliyoidhinishwa na kamati ya shule kwa ajili ya usalama au maendeleo bora ya kitaaluma ya mwanafunzi na shule kwa ujumla;

(ii) Kumwingiza kwenye miradi;

Sheria Ndogo za Halmashauri ya Wilaya ya Babati (Ulazima wa Kujinga na Shule na Mahudhurio ya Lazima ya Shule za Msingi)

Tangazo la Serikali Na. 337 (linaendelea)

- (iii) Kumtuma kazi yoyote badala ya kwenda shule;
- (iv) Kumchumbia mtoto akiwa ni mwanafunzi;
- (v) Kumuoza mtoto;
- (vi) Kutockumnunulia Sare rasmi za shule ikiwa ni pamoja na nguo na viatu;
- (vii) Kumtorosha wakati wa masomo au wakati wowote mbali na uangalizi wa mzazi au Mlezi wake;
- (viii) Kumpa mimba mtoto wa shule au kumwandikia barua ya mapenzi au kufanya naye mapenzi kama vile kumtumia kama Bibi au Bwana na kushiriki naye katika vitendo vya ngono.

6. Itakuwa ni kosa chini ya sheria hizi kwa mwalimu yeyote:

- (i) Kumsimamisha kuhudhuria masomo akiwa ni mtoto wa shule kwa kosa lolote ambalo kimsingi halikusababishwa naye bali mzazi wake au mtu mwingine yeyote.
- (ii) Kwa kumtumikisha mtoto wa shule kwa manufaa ya huyo anayemtuma. Kazi zozote zilizo nje ya utaratibu wa shule, kama vile:-
 - (a) Kuwaruhusu watu wengine kuwakodisha kwa shughuli za ujenzi, mashamba, sherehe n.k. Isipokuwa kama *idhini hiyo imetolewa na Mkurugenzi kwa maandishi* na ni kwa madhumuni ya Ujenzi wa taifa.
 - (b) Kumtuma mtoto wa shule shughuli za kupika au kuchota maji nyumbani kwake, kumfulia nguo n.k.
- (iii) Kutoa adhabu kwa mtoto wa shule zilizokatazwa chini ya sheria yoyote andishi, kanuni au amri yoyote chini ya Mamlaka yoyote inayohusika ya nchi;
- (iv) Kukataa kwa makusudi au kushindwa au kuzembea kuingia darasani na kufundisha au kushindwa kukamilisha kipindi au vipindi mwalimu alivyopangiwa kufundisha kwa siku hiyo au siku hizo;
- (v) Kwa Mwalimu Mkuu, kushindwa, kukataa, kupuuzia au kuzembea kusimamia adhabu ya/au kutoa taarifa juu ya utoro wa mwalimu au walimu waliokwenda kinyume cha taratibu au maadili ya kazi;
- (vi) Ulevi na kunywa pombe nyakati za kazi.

Makosa
Dhidi ya
Mwalimu

Sheria Ndogo za Halmashauri ya Wilaya ya Babati (Ulazima wa Kujiunga na Shule na Mahudhurio ya Lazima ya Shule za Msingi)

Tangazo la Serikali Na. 337 (linaendelea)

7. Kwa mujibu wa Sheria Ndogo hizi, ni kosa kwa mtu ye yeyote yule:-

Makosa
dhidi ya
Mwana-
funzi

- (i) Kumwingiza mwanafunzi kwenye miradi au kumfanya biashara;
- (ii) Kumtuma kazi yoyote badala ya kwenda shule;
- (iii) Kumchumbia akiwa ni mtoto wa shule;
- (iv) Kumtorosha wakati wa masomo au wakati wowote mbali na uangalizi wa Mzazi au Mlezi wake;
- (v) Kumpa mimba mtoto wa shule au kumwandikia barua ya mapenzi au kufanya naye mapenzi kama vile kumtumia kama Bibi au Bwana na kushiriki naye katika vitendo vya ngono.

8. Mtu ye yeyote atakayeshindwa kufuata mojawapo ya vifungu vya Sheria Ndogo hizi atakuwa ametenda kosa na iwapo atatiwa hatiani kwa kuvunja moja ya vifungu vya sheria hii ataadhibiwa kwa faini isiyopungua shilingi hamsini elfu (50,000/=) au kifungo jela kisichopungua miezi kumi na miwili au vyote viwili kwa pamoja.

Adhabu

Nembo ya Halmashauri ya Wilaya ya Babati ilibandikwa kwenye Sheria Ndogo hizi kwa kufuatana na Azimio lililopitishwa kwenye mkutano wa Halmashauri uliofanyika tarehe 21 mwezi Juni, 2003, na kuthibitishwa mbele ya:-



NICODEMUS TARMO,
Mwenyekiti,
Halmashauri ya Wilaya, Babati
RAPHAEL B. MBUNDA,
Mkurugenzi mtendaji,
Halmashauri ya Wilaya, Babati

NAKUBALI

Dodoma,
23 Agosti, 2003

BRIG. GEN. (Mst.) HASSAN NGWILIZI (MB.),
Waziri wa Nchi, Ofisi ya Rais
Tawala za Mikoa na Serikali za Mitaa